

詩

東溟集一

RARE
BOOK

chip
2.67
v.1

~~Y~~
~~36.81~~
~~K567~~
~~v.1~~

東隱集序



不佞年先索居漣上
抑君聲遠寄示東隱
金學士遺文六卷仍
屬之曰今有旅子弼相

以其先大夫之義里不
後於後代願以吾子一
言識之吾子毋諫不
佞殆老死無人事久矣
以文字之平字又安放

嵩山事固辭不月今
其遺卷詩三冊書上
疏啓事論事雜著一
冊使日本記事二冊
讀之其詩膽麗雅正

不雜時俗浮靡姸艷
氣深月古人聲韻又
其論事正直如爭論
棄清心之跡最為
保民固國之大計焉

李日記又見使汝國

之義蓋明日李之人

聞詩書禮義之說頓

首曰海外之人乃今

聞君子之言其禮極

金恭下於是其國中
之難解而不復伺釁
於我也古人所謂能
折衝樽俎之間者此
也至於吾民正俗之

方入於律令行之四方

吾乎於此數者有之

平生大略可見況其外

之文章乎情之天官

卿卿公經世曰 上曰

世渡文章節操於今
世世出人以之蓋其
從學踐履悅乎在
焉至如語默動作之
節皆可為法式者也

惜乎天不假之以年
其利澤止此也

上之八年收雷氏孔

器許穆序

受清靜

老子人好名好色好利

其理則生此

書者天下之

東溟先生集目錄

卷之一

詩

卷之八

教書

卷之二

詩

致祭文

卷之三

詩

序

卷之四

詩
槎上錄

跋

卷之五

誌銘

碑銘



詩

碣銘

卷之六

墓表

雜著

居官雜記
謹言集訓

卷之九

玄風縣學規
玄風縣鄉約

海槎錄上

咸興府鄉約

卷之十

卷之七

海槎錄下

疏

附錄行狀墓表

教書
致祭文

劄

碑銘
畫像贊

祭文
附龍洲詩

啓辭

去思碑文

狀

目錄終

東溟先生集卷之一

錦堂

一善

金世淵

通源著

詩

黃鵠辭

黃鵠生數子和鳴在芳澤一朝羽毛成凌風振六翮
千里在一舉四海任所適繒弋諒無及何虞爵羅獲
顧瞻蓬蒿雀啾啾傷叢薄

雜詩

嘉樹綠陰合芳園桃李蹊歲晏寒飈及零落委沙泥
秀色易憔悴繁華有凋滅獨有南山松青青冒霜雪

詩

東溟集卷一

一

一

一

其二

白壁在荆山出自巖石裏誰能得此寶
楚國下氏子持之欲獻君無人識
厥美日夜泣郊野再進再別趾
時俗薄珍寶哲王不可俟
深藏且韞櫝子何不知止
不識何所悲識之復何喜
燕石謬野人魚目方傾市

烈士篇奉呈水色

許櫛

君不見太華嶺上三尺雪
白日照之難爲節君不見
漢水江頭十丈冰
青春受謝終應滅
世間翻覆亦如此
萬事有盛還有歇
千鍾取醉欲自適
誰能碌碌事
千謁有目不見七貴面
有足不入五侯宅
猖狂一世

掉頭行自是悲歌燕趙客袖裏空餘朱亥鐵銅盤未
軟毛遂血澠池昔日會秦趙披却相如三寸舌惜哉
時無雄俊士坐令豎子收奇烈海內卽今何言平壯
士相逢膽欲裂富貴於我何有哉走馬莫道黃金埒
低頭乃與膾等伍裂冠不作兒曹列一片中原白日
暮何人識我憂心苦大笑出門不知處六日衡山晦
風雨

附次韻

水色

君不見嶺上孤松冒霜雪青青獨抱歲寒節君不
見匣裏雙劍埋塵土凜凜精光久不滅男兒氣槩

本宏賁豈以否泰有盛歆時違天矯玉山步時至
揄揚金門謁陽春結綠識者寡明農曾返五畝宅
豈知耕也餒在中躡屨復作秦京客九闕難通徒
叩額十書不行更瀝血朱門諂笑病夏畦却向家
人示吾舌瓶粟已空甑生塵俯仰宇宙愈激烈今
君枉篇慨以慷憤叫直欲心膽裂少年善養乃如
此却與老夫將相埒眼底海岳蘊融結頭上日星
儼森列噫吁戲黃昏已迫佳期暮獨立雲霄心自
苦南山之歌梁甫吟幾時商家作霖雨

道中

桑林歷歷數歸鴉窮谷蕭條三兩家行盡抱川京國
近道峯天半雪嵯峨

倣古

督護北征去相送落星渚舟楫如芒簇督護今何去

次愚礮別墅韻

岳君柳正郎卜居
扶安之縣愚礮

卜居從物外當戶綠蘿陰水接礮溪澗山藏愚谷深
礮花迷客路林籟爽人心坐覺天機息無勞梁甫吟

其二

歸來物外情源水釣魚行嶺樹攢幽店人煙接古城
海鷗元自狎林鹿詎相驚去去獨吾樂栖遲老此生

其三

陶令還三徑何顛祗

一作

一丘欲尋仙宅去同入竹

林遊雲臥披丹訣巖棲枕碧流只疑谿壑變花下返

漁舟

其四

靈區愚作谷綠水號礮溪地逐名賢好人將徃哲齊
入窓山月近當檻嶺雲低不必吳門市披裘事祝雞

耕田

春雨不願多夏來當苦旱陰燠失其適土脉恐消散
東家借鋤耰北鄰借二牛將耕十畝田種此蕎與牟

陰雲亦已集谷風更習習田泥不可耕盡日把耜立

塞下曲

朔風吹雪鴈南飛萬里黃沙塞草腓日暮角聲來遠
磧白龍堆上戰初歸

其二

飛狐北望大漠平榆塞寒煙接薊城安得甲兵三十
萬爲君遍踏鄧支營

其三

戰罷臨洮血滿袍歸來馬上飲葡萄十年征戍無廻
日天外猶看太白高

江中落日

落日欲盡江水西倒射金光百丈赤
熖如灩澦插火嶠火烈波奔相沃濤
廓如乾坤剖判初風雷亂薄爭奔競
水府魚龍應辟易馮夷却立天吳哭
元氣茫茫辨不得樓上登臨快心目
但見今從海上沒寧知曉向東方出
孰謂人寰夜初黑方是重垓欲曙色
走天汲汲勞六龍又幸有三足鳥爲
之鼓翼長懸照萬國不息晝夜行
何益不息晝夜行何益安得萬古不
動如北極

閑居

林臥逢春霽開軒面小園方知隱者宅不有俗塵喧
水鳥飛苔檻巖花落酒樽寥寥隔城市疑是入桃源

向原州寄柳敬伯 愍號龍門

客裏逢佳節春來轉憶歸欲尋雒去惜此鴈行違
驛柳和煙細江花帶雨飛安能久留滯回棹及春暉
過月峽

兩岸青山蜀魄啼故園迢遞白雲谷山西春風似識歸
人意一夜吹帆過月溪

七夕水色李子方

景義

柳敬伯期會以雨不至

七夕梧桐雨高樓秋氣生牕中度落葉簾外隔流螢

上客期相訪新詩試一聽佳期苦易曠
佇下空庭樓居

獨倚高樓曉悠然意不窮風高華嶽迴
霜落漢江空旅食秋仍苦詩篇醉更雄
鄉心正鬱悵幾日向關東暮思

江上逢初霽遙天起夕虹一年秋欲暮
半世道何窮結客黃金盡酬恩白壁空
蕭條獨歸處草屋閉秋蟲次韻酬江上鄰丈

一從蒙赦返不敢賦懷沙齟舌千憂集
吹毛百喙呀世情爭按劍吾道屬浮槎
尚賴僑居近時邀醉菊花

秋思

日落天爽朗秋風吹漢水臨流何所思美人隔千里
功業恐不建荏苒老將至淒淒百卉腓霽霽陰雲起
覽物念彌積感徃情無已去矣從所欲沉憂非壯士

次柳叅判見寄韻

津頭洛陽近八月在西湖詞賦相如病形容屈子枯
聯飛聞塞鴈反哺看林鳥窮巷誰相問愁來獨向隅

其二

遷次將安適圖書並五車仰雲慙倦鳥臨水羨遊魚
玉露滋園菊金風落井梧年年賃宅苦無地可採蔬

將遷宅
故云

述懷詩

金氏之出自順忠百戰平戎佐聖祖出入麗代五百
載令德奕世煥簪組勃興得省菴文章節義俱獨步
寔爲我王父荷谷爲舅曾草堂前閤表裏何赫赫北
濱古都鄰蓬瀛天作百齡王者宅白頭南來勢若奔
峯巒萬里紛起伏屹作臺山八千尺又有巨海環其
東洪濤日夜浸坤軸癸巳夜半吾以降冬十二月初
一日岐嶷安能踵前烈海嶽元來鍾奇質弱齡讀書
窺姚姒夢中花生五色筆一朝衰然大庭舉登龍忽

作銅龍客講筵初輟日方中花陞香煙惹文石玉堂
三日上章遞國子一年濕薪積諫院隨行歲欲冬是
時大論發闥棕都堂獻議百寮從蒲城洶洶如沸鼎
一言失當腰插鋒虐勢滔天人莫嬰賊徒鼓舌疏起
蜂曲直是非將安陳閉門不出書五封丈夫安能惜
一死世路觸處飛蜚矢元凶叩吻皆欲裂棕也扼腕
闥切齒貶逐近遠安敢問罪止流竄恩則至北闕紛
紛請罪疏大則誅殛小安置臘月北風吹倒人馬上
離歌泣親戚臨津渡頭行人絕蕭蕭夜雪東坡驛故
人斗酒松京道宮燭天明對遷客銅峴橫天涯水深

西出黃岡路轉隔鴨塞春冬異風土大漠陰沉飛雪
白北虜驚塵犯遼薊西北諸囚許移配適此樂土誠
天幸歲歲苦向東西謫縱有新恩賜放還姓名尚
未除徒籍豈意重得近長安西湖咫尺王城陌一時
斥逐凡幾公二大臣外金與鄭此日生還誰敢望臣
罪當誅主仁聖半生危困何其早万之賈誼亦云少
歲寒然後知松栢雄飛不作依人鳥塞翁倚伏誠可
學貴賤已定人生始安能作敬通閉門對妻子齎志
終入地又安作屈原憔悴滯江潭懷沙竟赴水漢水
西風木葉下清霜曉落秋天素獨倚高樓吹長笛字

宙茫茫幾千古千古英雄一杯土匣中夜夜雄劒吼
壯士傷秋髮欲豎時來虎嘯將安之略定中原未應
暮

秋思

秋草荒階靜空庭白露初鴈高天更遠風急樹先疎
歲月雙蓬鬢乾坤一草廬興來誰可晤披豁賴詩書
還自東郊

別家纔數日懷抱即依然野色逢初霽風光逼暮年
菊黃朝露浥楓赤曉霜妍抱葉玄蟬寂辭巢素燕翩
歸帆出遠樹落鴈下寒煙作客韶華換傷秋鬢髮鮮

詩

登高眺極浦立馬聽流泉壯士窮何苦孤臣志更全
射天雄劒蟄伏櫪老驥跼邊塞方多警朝廷正渴賢
神鷹在一擊蟠木孰相先折臂知榮辱回頭足沛顛
褐衣從此去蘭珮爲誰捐天地莊生馬江湖范蠡船
不能齊億變膏火漫相煎

述懷自戲

烈烈西風厲蕭蕭南鴻返一年滯玄浦此地非吾願
賃屋遭三逐筭龔事稗販欲向原城歸原城路豈遠
去留無樂土秋來但憂慙物情劇奔波時俗薄肥遯
輕煖足禦冬焉知寒士困尺水蟠虬龍虎豹窘檻圈

丈夫不自食無面對朝飯

雜詩

江湖白露冷獨鶴時一唳遙天淡似掃肅肅金風厲
木落條柯森芳華日凋瘵擊劒誰可語愁來欲裂眦
素髮颯垂領蒙茸黑貂弊落日下中原人間復何世
脫冠歸去來滄波獨鼓棹

贈人

西湖急雨春風顛陌柳一夜黃金色丈夫相逢耐醉
倒何況平生舊相識公爲澤畔憔悴客我是高陽舊
酒徒剖出肝膽兩不逆辛兼高義連葭蓼蛟龍不是

池中物公豈悠悠數奇者一代高名懸日月樛棟終
當扶大厦即今相對且相樂莫使襟期坐蕭索風雲
感會豈無日不必鄒生老丘壑

次韻荅李正字

袞

落筆驚風雨華牋字字珍還同河上曲誰和郢中春
膽照青萍合憂來白髮新粹盎吾豈敢心或欲求仁

附原韻

滄浪

有美人如玉盈盈席上珍虛明涵水月和粹映江
春學業箕裘舊文章法度新看君步就地終至不
違仁

古意

明月照庭花花影何參差攀條折紅萼欲以遺所思
所思隔重城路遠莫致之徘徊將安往永夜守羅帷
雜詩

拓弓霹靂響箭作餓鴟叫廣澤籠羅罟平原縱步驟
歸來宴衆獠擊鼓舞夾庾肯作潯陽人狂歌門外柳
送崔大容有海充分戶曹往江原咸鏡道

益者豈易得嘉會不可常其利固斷金一言傾心腸
願得展嫵婉我友之朔方驅車郭門外九月飛寒霜
東行地勢盡渤海連天揚荆榛蔽郡邑十室多流亡

詩

國家方多艱誅求劇董芒臨行欲有贈子豈知我傷
才高困劇任攬轡布春陽望歸豈不疾王事恐傍傍
靜夜暫促膝菊英泛羽觴努力勉嘉猷白首無相忘

呈竹床

孤竹生高岡亭亭傲霜雪截爲讀書床盤困屈翠節
節以尚其直色以取其潔持之奉君子表我中心悅
鄙薄何足云爲情不爲物

日暮

空林鳥雀噪冉冉西下日遠煙暖平陸遶屋桑柘密
田家苦多事刈獲何時畢寒風率已厲蟋蟀入我室

階上菊始黃
瓮中酒欲溢
忽逢西鄰老
開樽暫促膝

九月十五夜

永夜行遊戲
歡宴不知疲
方舟遡洪濤
率彼西南湄
白露曖秋空
杳杳平湖淨
纖雲時髣髴
素月澄清景
遵渚響歸鴻
冲霄唳孤鶴
浩若脫埃壒
塩况此新知樂
一笑信難得
俛仰成陳迹
不醉將何垓
杯盤曉狼籍

燈下

草屋挑燈坐
看書夜向分
庭空鳴墜葉
爐冷熄微燠
蹠櫪駒思秣
穿墉鼠竊葷
缸頭酒正渌
獨酌更成醺
次許水色金
都尉來訪夜
話韻

北風吹急雨蕭瑟打寒牕不謂紆華轂相尋到碧江
歸田喜近洛屏幃憶經瀧靜對還疑夢披懷點夜釭
其二
遠勞車馬出荒郊遷客僑居面漢臯燈下論詩情更
逸樽前看劍氣方豪江喧急雨三更黑壑振獐飈萬
竅號一宿豈令歡意洽良辰重結後期牢

附原韻

水色

日暮高樓上青眸共倚牕雲陰迷遠岫風雨滿長
江歡笑初尋刻歎傷昔度瀧慙懃成夜宿連榻對
寒釭

其二

連鑣向夕出西郊來訪騷人到漢臯笑罷離懷遂
披豁醉來詩興覺雄豪三更書榻燭明滅十月江
天雷怒號感暮傷時嗟歎極曉窓寒夢未成牢

柳仲慶歸忠原無馬不能送別月下悵然

是夜宿凌

云虛

以我親君意寧辭遠送行風波阻別路樽酒負離情
古樹宣陵寺孤村楮島城遙憐獨宿處霜月滿江
明

擬左思詠史詩

翳翳海上雲皦皦天中日以彼一片陰掩此太陽質
小人榮寵祿直士困三黜讒慝使之然由來自古昔
安能事楚王出入拂枕席屈原豈不賢澤畔獨懷石

其二

渺渺蓬海上靄靄神仙宅絳節拂祥雲飈輶躍霞陌
朝見駕鶴士夕逢騎鹿客瑤壑鍊金鼎銀臺漱玉液
囂囂下土人壽同駒過隙營營百年內所惜在金帛
憂喜煎膏火仁義束繆索一朝隨物化螻蟻穴枯骼

其三

嶽瀆鎮咸京形勝壯帝居圓闕放太紫周牆列千廬

奔走九州牧萬里通軍書自非青雲士何由謁天子
白馬出薊門參差帶楛矢滅胡祈連山饗士于閼水

其四

寧戚隱屠肆商歌叩牛角蘇秦說不行歸家更躡屨
蔡澤奪釜鬲白首無所托韓信在淮陰少年相欺誑
四傑豈不偉一朝奮宏略當其不得志屈體類尺蠖
窮達豈易識英雄有落魄何代無奇才棄之老丘壑

其五

矯矯雲中龍驤首驅雷雨落落草間士崛起佐明主
籌策運帷幄羣雄隨指顧四海無交兵所向若豹虎

出將十萬衆入封三萬戶九族生光輝賓客日馳騫
絳灌起屠販日碑拔降虜叱咤乘風雲俛仰生毛羽
天降一代豪舍我將誰取大噐當晚成智者宜自務
蒼頭以事向臨瀛

送爾臨瀛遠單衣背朔風嶺雲籠樹黑海日射天紅
鳥道懸崖上人煙絕島中不知爲客處昨俗憶坡翁

和柳叅判要往松泉詩

柳詩本敘云楊州先望側有精舍在三角道峯

間號松泉畿輔第一勝境尊如許偕往討谿山之勝豈不幸甚

得罪休明世遂與城郭遠徵命察若絲斥逐敢懷慙
端居歲易徂六龍安可頓鵬賦爲自廣離騷盖生怨

自作登龍客末學賴推輓士爲知己死相見一何晚
前膝夜方艾握衣協深悃文章逼西漢落筆小嵇阮
贈以新詩文要我遊華巘遊賞志所願夙齡尚肥遯
登嶠北到緇泛海南窮鄙壯心窘網羅深居類閉園
尋山已足樂况乃隨高輿絕徑共攀躋陰厓期息偃
一舉凌倒景浩若出天閭北風方肅殺萬物皆歸本
恨不趁高秋霰雪集脩阪佳會豈易得凌寒且往返
苦寒行

今歲冬溫去歲冬仲冬猶行十月節一夜陰風捲海
水萬里片片飛輕雪天地莽蒼死瓦色層冰百丈西

湖裂西湖獵徒誇輕趨白馬驛弓下永埒草間狐兔
不敢動雙角胡鷹手中掣鼻尖生火箭鷗吼錦褶糝
糊白鹿血谷口樵童抱柯泣漁父網罟凍欲折俠客
寶劒蒼狐袴妖姬絲幄紅羅輟別有朱門列棨戟金
鴨香煙噴麟肩侍婢銀瓶欲煎茶曉披貂裘醉喉渴
世間苦樂何其遠歲汙方知樂更別何似東溟之客
滯空谷茅屋蕭條衣百結閉門袖手更何知酒後酣
歌兩耳熱

子夜吳歌

郎自中門來總角白纏韞莫恠出看遲厨前略拭髮

其二

明燭入厨下夜中作郎食汲水井冰滑折薪臂無力

次柳監司感懷十韻

雀羅常晝設趣與世人乖岳降三朝傑天開萬古羣
卜鄰今累葉列宅舊同街檻共春城樹庭分臘雪崖
一生欣附驥此日類冥蛙鵬向長沙賦沙從楚澤懷
豈知華轍枉重見絲牋借促膝斜湖目披心放土骸
感深龍客御才乏馬卿俳欲謝慙懃意來篇苦已佳

其二

陰陽問孰理時候苦多乖臘月昏陰霧江天翳宿霾

粼粼水泮浦捐捐水盈街短褐思紈簪孤齋寄石崖
名高日下鶴身蟄井中蛙忽獲愁霖唱無非戀闕懷
相期一夜飲幸值二龍偕似舅寧論頗忘年覺外骸
杞憂終近誕頭責竟成俳莫畏梅花盡平湖霽色佳
醉中謝柳監司令公偕尹輔德再臨江上

逐客幽居地明公載酒來永欣前日顧尚憶後期廻
臘近窮陰盡春遲暖律催暗投空欲報巴曲愧庸材

其二

不以疎庸棄相尋到竹扉語闌庭霰集坐久夕陽微
詩酒三人共乾坤一笑稀嚴城時未閉車騎莫催歸

客到

南山烽火舉知已鎖城門上客休迴駕貧家欲設殮
冰泉咽遠壑雪月冷孤村語樂忘宵永梅花小室溫
觀伐冰

公家伐冰當嚴冬漢水一曲爲之空深山窮谷盡陰
沍天地慘慘號朔風奔走城中百執事招民領卒齊
冲冲萬片初飛斫月斧千層競插琉璃滑玉走星流
灑亂雪日光照之長虹發黑牡秬黍享司寒出也方
當日西陸藏周用偏可不慎冬則愆陽夏陰伏歲歲
督民何其急凌陰每空流金日一代頽綱誰復振自

古半入屠牛室嗚呼自古半入屠牛室

池德良來自江陵

逐臣投荒當月窟同鄰汝作移家客萬里生還漢水上東西忽作三年隔曾是天涯舊相識今日之逢未曾必即今憔悴更何言令人却憶江陵日覆盆難回白日光咫尺尚隔長安陌長安陌上春光晚東風澹蕩垂楊綠甲第歌鐘杳將暮誰念江濱獨懷石問爾東歸在何日東歸正及梨花白我有三尺之仙禽來時寄在中軍宅玉羽丹頂今若何傳言莫折凌雲翮他日重遊鏡浦水與爾同騎上空碧

次韓丈 或

說難驚霸主一語得雄才
白屋甘披藿朱門耻植槐
雲山當戶出風雨滿江來
永結幽居所浮名安用哉

過泳恩亭有感

江上華亭畫不開
滿庭殘雪小墻頽
往來十載繁華改
時有宮人鎖閣迴

過狎鷗亭

上黨豪貴已成塵
江上荒臺樹木春
惟有綠波千古在
白鷗應識舊時人

次堂叔

詩

落日悲歌欲白頭行人獨上最高樓山橫孤峴天容豁江拆龍門雪色浮榮辱百年梁半熟興亡千古水東流腰間醉顧龍泉在四海風塵莫用愁

送泰昌進香之行

天崩地拆走藩臣掄選終歸第一人北極再懸新日月中原徧慟舊臣民路經鶴塞千營曉天入燕京九闕春遙想玄宮進香處五雲松栢泣麒麟

登樓懷子方江漢

枕流主人

雪意侵江黑春冰半作澌登樓遲上客凭檻詠新詩宇宙傷心久風塵會面遲相尋少桂楫何以慰離思

閑居

春暖簷牀穩披書愛晝遲雞聲花外永草色雨中滋
返國終何日歸田又失時松醪報新熟吹蟻斟瓊卮
次子方
柳花如雪滿長洲半入春泥半入流唯有東風解人
意時時吹落木蘭舟

其二

夜來微雨過汀洲睡起茅簷俯碧流莫遣桃花逐水
逝小溪疑有釣魚舟

附原韻

晚沙

春風楊柳滿汀洲十里平江似不流遙想故人應
我待月波亭下艤蘭舟

共江潭滄洲風雨日次頑字韻

桃花紅雨掩松關耽看苔磯白鳥閑亭上客來酤酒
遠隔溪催喚小童頑

春興

宿雨初晴古渡頭桑田旭日喚新鳩浮天王氣千年
在圻地江波萬古流垂柳故藏估客舫落花偏擁酒
家樓春遊處處催絃管銅雀灘平泛綵舟

其二

江頭舸艦簇青龍從古長津控四衝盡日行人來冉冉暮春煙浪綠溶溶風潮利涉生涯足軒冕偷榮志願慵京洛故人誰記憶錦城花月樂歌鐘

樂去聲

其三

萬雉金墉繞紫宮漢家樓殿五雲中西來百谷吞清漢北望千峯插碧嵩日射旌旗回玉輦天晴花柳敞金櫳江湖戀闕傷春思幾日風雲起釣翁

其四

濟川佳句國人傳漢使風流已百年羅濟古分丸上地樓臺今壓鏡中天雨晴楊柳黃鶯語浪暖桃花白

鳥眠正值鳳綸東到日
唱酬誰復筆如椽

其五

箭郊三面遶周牆
太僕當春放牧場
芳草晚迎千駟
綠落花晨擁八龍
香圍人設幕雲垂
榜津吏停船柳
拂檣陪駕昔曾忝
奉引渡頭東望漫
徊徨

其六

終南谷口漢江濱
勝地風光屬令辰
十里楊花風外
雪萬家煙樹雨中
春城池北據山河
固驛路南馳嶺
海珠別有滿船爭
見處綺亭歌鼓舞
佳人

初食河豚

桃浪河豚夙擅珍灘頭挺叔簍漁人來從穀雨三春
節背被銀花五色鱗猛氣迸波能鼓腹芳酥流玉始
磨唇江湖作客還多興鄰舍初分一味新

月波亭次子方韻

漢水推名勝登臨得此亭渚花飛曲砌沙鳥上危檣
返照千峯赤浮煙一嶼青逢君題秀句詩興遶芳汀

雨後東東村諸丈

不出東村三四日村中桃花成雪我輩有酒何不
樂莫使端居負佳節雨後河豚逆上水漢江三月來
春鰕速具扁舟喚歌舞千鍾爛醉今宵月

重步前韻

丈夫肝膽不曾惜醉拔龍泉色如雪四海風塵爲誰
死三尺兒童重高節不向青雲畫麟閣老臥滄江共
釣鰕百歲歡娛能幾日請君莫負桃花月

月波亭春居十韻

宿雨霽華閣細簾壓碧桃當窓二水濶入檻一峯高
樹密流鶯亂巢成新燕勞披軒邀上客展席酌香醪
逸氣曾題柱雄心舊釣鼇狂歌頭欲白醉舞膽偏豪
失路袍誰贈當津舟學操千邦紛蟻穴萬事競龜毛
令節寧虛擲名區合浪敖逐臣多感慨不必讀離騷

三都

平壤松都扶餘并亡國之墟因記舊遊今十
餘年矣慨然賦之

海邦何處覓箕封浪水西頭壓紫墉
匝日煙花移彩舫半天樓閣咽歌鐘
春光淡蕩麒麟窟王氣葱蘢錦繡峯
最是行人腸絕處玉兒紅粉婉游龍

右平壤

古巷牛羊下夕陽前朝臺殿樹煙蒼
山河不盡英雄恨宇宙從來征戰場
神器有歸龍井合名都無主鵠陵
荒行人莫向城東路善竹橋邊綠草長

右松都

百濟遺墟古木稠荒城如月枕寒流
龍貪白馬兵初合殿仰蒼狐運欲休
小巷秋風禾黍動斷橋斜日牧
蘇愁落花巖下江猶在無限滄波咽萬秋

右扶餘

經霜草有感

十年人事已成空寂寞孤墳亂樹中
惆悵東風三三月滿山桃杏爲誰紅

擬高達夫體

楊柳陰陰黃鳥啼高樓醉別使人迷
末路已驚三峽

險浮生安得一枝棲春生漢水滄波濶雨過銅津落
照低勝地相逢更何日懷君不見益悽悽

登臨

畫閣壓平川登臨眺遠天鶯聲片雨後帆影夕陽邊
竹葉搖歌扇楊花落舞筵歡遊豈易得莫負艷陽年

擬古

阮步兵

白日出暘谷崔嵬扶桑巔六龍安可頓羲和迭推遷
蟋蟀知春秋槿木知旬弦人生信倏忽何者爲長年
愧無魯陽德揮戈回彼天

其二

登高臨四海西對崑崙陞白雲在遙天丘陵自迤逶
弱水信難涉青鳥來何時周穆馳八駿漢武事九夷
守形自長生豈復嘆老衰

其三

驅車郭北門遙望東阿里白楊何蕭蕭高墳半堆毀
問是誰家墳薛公田文子意氣今何在雄豪長已矣
躑躅樵牧歌狐兔窟其裏雍門之所歎千秋正爲此

其四

昔聞龍泉劍近在豐城獄玉匣埋土中雄雌自相屬
紫氣夜射天隱隱斗間燭誰能識此氣本非興吳錄

神物出有時終當見掘劬

其五

皎皎扶桑暎照我雲錦衣五采斑陸離祥霞暖射霏
丹鳳尚含珍玄豹亦忍饑柰何殉利士憔悴失所歸
豈爲榮寵祿磬折令人悲寧爲神龍潛莫作燕雀飛
燕雀巢大廈火發將何依

其六

酒半不自得悲歌燕市裏觀者四面來落日紅塵起
雄心忽感慨對泣情何已兵戈方搶攘舉世輕壯士
樂府

十載江湖約沙禽怨不歸若恩一何重不敢著荷衣

其二

夢中逢項王提刀更太息至今不渡江我亦不自識
月樓

江水流無極茫茫遠客愁遙空挂素月永夜倚高樓
意氣雙雄劒行裝一弊裘憑欄覺片夢花柳舊春遊
次韻寄迷湖

逐臣昔被譴西關犯風雪一死安敢惜抱章心膽裂
愚忠冀自直初豈營三穴年少氣方銳窮途尚岸忽
憔悴笑湘纍補過師魯兀介獸窘網羅蒼鷹困羈紲

洪恩煥白日萬里歸私室顧已誠震盪恩深戀城闕
處困敢不勉恐或墜前烈夫子隱東郭懸車晦晚節
久係蒼生望雄才素卓越龍門不可托沐德將何日
相思忽肯臨言我如飢渴百壺不能醉憂來同糾結
至人外死生君子無緇涅皎皎豈足珍大巧固若拙
寧爲櫪前餓忍向手中拂道行致堯舜道廢浮溟渤
龍蠖非可論聲名盡外物當歌不成曲落日悲風發

過楊經理碑

經理東方日滔天賊勢張羣車赴急亂神策掃欃槍
國復三韓舊功垂百代光龍碑永不滅收涕拜途傍

贈一巖

靜夜同聞精舍鐘滿山松檜月玲瓏今秋定結金剛
約天一臺前眺萬峯

楮島次堂叔懷古韻

興亡衮衮入雙眸伯氣千秋捲漢州溫祚故城餘老
木靖陵玄寢對長洲干戈古結山河險禮樂今成
俗化柔何處孤舟吹玉笛夕陽江上使人愁

次漢江諸丈雨中來訪

旅遊蹤迹滯江濱何意三春幸接鄰風雨滿天歸路
永小亭愁殺獨留人

又步前韻自遣

逃世何嫌寂寞濱滿江風月好爲鄰誰知白髮鷹揚
老還愧西山餓死人

觀漲呈堂叔

水勢來未已江漢納羣流激沫連天湧驚濤蹴地浮
稍迷青草岸不辨白鷗洲咫尺徒相憶無緣試小舟

立秋

今日忽秋色西風起井梧一年看欲半四序苦催徂
爽氣來虛閣滛霖霽遠湖窮愁值搖落清夜楚臣孤

其二

積雨蒼苔生座隅冥冥煙樹失東湖天浮極浦洪河
漲秋落神京太岳孤斜日自驚空舍鵬西風轉憶故
鄉鱸窮愁得酒還無賴展讀離騷氣欲蘇

次堂叔

孤舟溯清漢日落水粼粼四海無知己三年獨問津
我將歸白首君莫誇朱輪屈指人間事無如且隱淪

東溟先生集卷之二



一善 金世濂 道源 著

詩

秋思

落日上高樓西風起庭樹蟋蟀鳴何悲感此時序暮
春華似昨日忽覺變金素城城林木疎玄蟬號白露
歸心日以催此地非吾土故鄉隔蟾水江波東北驚
明朝理扁舟浩然歸衡宇

柳高城亭子次東岳韻

玲瓏盡閣濟川東清漢遙連碧海通天外欲來千嶂

詩

雨庭前初起一林風若非勝地登臨美安得詞人句
法工向夜月明歌吹合曲欄迢遠倚層空

高樓

浩浩江流濶西風起白波高樓眺落日極浦聽漁歌
野入蓬郊大天圍楮島多夕陽奇絕處三角碧嵯峨
衿陽次壁上前日所題韻

去歲留詩客今秋又獨歸泉臺別恨積宇宙此生微
舊迹隨煙盡餘徽逐日非不眠知夜永寒氣逼單衣
七夕

烏鵲橋成白陸回玉宮環珮儼雙催都將一歲相思

淚灑作人間細雨來

其二

誰家乞巧禮秋空
聞道天孫此夜逢
獨臥小齋寥落意
隔簾疎雨打梧桐

秋閨怨

天上佳期今夕迴
梧桐墜葉絡緯催
紗窓獨坐千行淚
塞外征人猶未來

歸思

故鄉懷未已
三載始東歸
漢水秋風冷
宣陵古木疎
風塵浮世狹
道路壯心違
寂寞鴿原下
何人問竹枝

扉

其二

別業鵠原下疎籬帶菊林近來秋欲早此去興何深
錦繡明紅葉芙蓉湧碧岑却笑江漢上何事久行吟

其三

此夜月華明幽人夢不成梧桐井上落蟋蟀草中鳴
岳勢遙疑盡江流浩欲平倚欄腸絕處西北是王城
還自果川村庄

青溪初問舍雉岳欲歸田去住無安土榮枯任彼天
世路風塵裏生涯途道邊蕭條驛畔宅尚得養餘年

子方子山來別二公並同榻故舊

學海爭雄獨有君
眼中諸子盡紛紛
金門共對天人策
雪案同披象緯文
不料驥騮翻在後
敢論雞鶴得同羣
江湖遠適傷遲暮
惜別孤舟日欲曛

同子方子山敬伯次柳迷湖送別韻

三年漢水上此日又驪江
草屋依沙岸柴門面石缸
還憐別舊友無復醉深缸
欲寄相思字遙天鴈一雙

附次韻

龍門

八月上東峽扁舟泝大江
長風生遠渚落葉下危
缸別意催三疊離筵瀉百缸
行當逢雨露如子世

無雙

東湖留別諸客

天空響旅鴈落日西風起方舟遠追送餞我東湖水
聚散皆有數歡會安足恃恩愛苟不虧在遠猶爲通
世事信多故憂喜紛無已小子誠魯頑幸忝門下士
見眷旣不翅依方有所企臨當遠睽離惆悵遵秋汜
時危別意促道窮多憂思他日倘相憶傳書有尺鯉
發凌虛亭

失所誠多艱得罪無所托何意漢水上獲此神仙閣
軒楹壓空明俯仰湖山廻昏朝變氣候水月增澄冷

使我憺忘歸爽氣滿襟袖世亂邊事棘遼薊闕窮寇
士女盡奔波羽書日旁午樂郊信難得何處爲吾土
扁舟泝大江落日辭親昵回首楮島西華亭杳已失
主人親懿舊待我良眷眷銀瓶遠追送遠客驚深歎
世故信糾紛會合將何日盡室逐道路厄窘難盡述
浮萍本無根非水將焉薄時平倘再還毋負同居約

斗迷潭

兩山夾一水對立蒼峯峻長風鼓洪波水勢湍且迅
沿流阻叅錯石險船難進錦葉粧峽樹八月霜威緊
千巖落鏡中左右爭來引誰言行邁艱高興轉難盡

顧瞻棧上客勞勞動行軫

保安驛

任博士叔
英所居

我有一卷詩欲問任茂叔今日保安驛停舟久極目
小村隔江岸相尋乏驢僕客行既已遠罄囊无餘粟
佳期苦易失宿願負平夙悵然登前途雲煙起空谷
大灘

不行大灘惡詎識舟行難洪濤吼萬雷十里奔狂湍
巨石若馬牙顧望心骨酸舟子凜相戒奮篙乘波瀾
太虛運妙有岳瀆自融盤設險亦何意造化苦多端
中流一失手性命誰能完長繩引巨舫盡日相推板

何如當路子宦海耽朝冠

仰德

時完平李相
國斥居仰德

我慕完平相不下司馬公維舟爲上謁草屋依江楓
慷慨當世事何人可禦戎爲出瓮中酒行杯乏僕童
萬姓久加額勲業冠大東身老被羈紲織席隨野翁
安危在去就大賢豈終窮尚憶沮江西丹青盛廟宮
英陵

川岳關妙化永作聖王宅千秋鬱佳氣蒼蒼攢松
栢憶昔垂衣日八方被至澤洪謨述姚姒樹立鞏磐
石六龍遽昇天慟哭喬山舄風雲尚鬱盤翠微交神

戟夕陽暖平陸冒隴山煙白邊封屬多警 國事異
往昔 英靈想在天降福宜無數小臣再拜過孤舟
泝日夕

驪州

夜宿驪陽府月白秋江濶舸舫簇兩岸爭渡行人聒
臨江拾飛觀四望軒楹豁蒼茫馬野小突兀龍門出
地勢據上游形勝信無匹千秋水月在无盡英雄筆
斗酒誰共醉愁來獨詠史倚艫聞曉鐘隔江有古寺
興元倉

江上巔嶠峻翠壁千仞長人家帶綠水舸艦係垂楊

舟行四五日始達興元倉京華旣已遠回首湖山蒼
落日下中原萬里來秋光羈心迫暮節倦客多悲傷
所徃苟有食何須問故鄉

道傍墓

突兀山上墳不知何代葬荒階沒蓬蒿秋日色蕭爽
短碑旣顛覆貴賤亦難想人之有死生若來必有往
千載同一時賢聖共歸喪悲風爲我興立馬久悽愴
村望

雀投疎籬生暝煙幾家桑柘隔晴川禾登場圃交新
架木落田蹊失故阡階前泛菊尊盈酒松下彈琴月

若絃野老自甘田舍樂莫將榮辱累吾天

登岳

晴空出萬峯一一金芙蓉新月湧危石清風來古松
叅禪棲六鵠聽法起雙龍莫說歸程近高樓已夕鍾

暮還

暮行田野間白露生衣巾仰看遠山白始知昇月輪
悄然村墟廻古路少行人小僕還苦飢執策待溪濱
勿冀馬行遲喜得佳句新

野興

天氣日料峭雉岳轉峻嶒健鶻摩空盡羣鴉滿樹興

鳴弓下廣薄策馬上高陵倚醉歸欲晚花鞵掣白鷹
安潤甫家夜飲次贈

相逢舊童稚白髮使人驚月上千峯淨燈懸一室清
綈袍說故意尺劒見交情尚憶梨亭會葵詩較姓名
聞韓柳川起廢

中原兵甲盡遼東元帥當今起廢中幕府始開新部
曲關河重領舊旌弓三秋虜氣橫千帳萬里軍容壯
九戎爲報北庭須遠避海夷曾服策謨雄

雪後呈仲父

昨夜孤城風雨過起看雉岳白嵯峨千家凍色封瓊

樹平薄朝暉纈錦花
貊國江山非我土
天涯節序近春和
愁來欲奏陽春曲
舉世無人和郢歌

仲父將東歸

客裏三杯酒他鄉
遠別愁犇雲逆行
月急雪打高樓世
亂身空老星回歲
易道浮生難會合
莫惜更淹留

冬興

窮谷陰雲凍欲頽
屋簷初日嗅寒梅
天涯節序催年去
客裏江山滿眼來
縱酒尚垂憂國淚
失途誰是濟民才
呼寒更喜陽春近
天上新移北斗廻

其二

蕭蕭夜雪擁柴門
睡起山妻試小樽
蒼偃老松龍欲
倒白飛懸瀑鶴爭
騫家僮汲水初成
徑野客呼鷹稍
出村棲息一枝知
已足莫將蘿薜換
簪軒

其三

窮鄉作客歲崢嶸
天地西南日用兵
斤斧千峯看伐
木杼機幾處散疲
氓少年銳氣空投
筋末路何人更
請纓三白臘前知
有歲欲從隣老事
春耕

其四

鄧禹當年智望殊
冊功初拜大司徒
祗今三十成何
事無那英雄笑腐
儒窮達有命安用
早風雲一起會

同圖功成白首誰能退還有扁舟泛五湖

次鷗灣李教官

香愛幽蘭節愛松逸人高興老還濃忘年托契吾何
敢曾是兒童杖屨從

夜還

溪流曲處明殘雪山路昏時集宿鴉醉歸不知行近
遠一點村火辨人家

夜雪示子興

開門雪花何紛紛原城夜色黑如漆座上初來嶺東
客瓮中撥酒浮蟻溢放臣潦倒有何取千里跼然此

投迹逐臭還同海上子文史清遊念宿昔丈夫相逢
吐膏臆知已從來豈易得櫪下長鳴騏驥老龍泉匣
裏無顏色外物龍蠖安足論不必文章誤命達感君
高義薄天雲論詩又喜波瀾濶年少青雲勉自致慎
勿學我長憂繫酒酣扼腕忽感慨蕭瑟前林北風急

醉後

飲酒非吾性逢場每一中益知無立志還畏賊微躬
阮籍心雖達靈均志獨忠自今將毀榼何敢徃時同
傲王右丞

遙天半素月星斗廻闌干永夜豈易曉北風吹更寒

孤村依瘦郭積雪滿空山縹緲秦雲外何時覲聖顏

元日

作客何時已年年逐道途山川鄉國遠風俗歲時殊
壯志終難變流光苦易徂當盃讓年少羞殺飲屠蘇
人日

正月柳枝綠風光異昔時憂心不可道世事日多危
作客勞鄉夢傷春喚酒卮從人覓顏色自笑弱男兒

聞監軍渡海次人韻

時以李汝固爲
僉使從事官云

海外開營幕皇威振北胡金戈耀白日銀甲綴玄

組秘略宵中運戎庭目下無令嚴千部肅旗動萬營
呼遼塞流腥血滄波作坦塗日夜方奏檄書記惡名
儒

小築戲題

地窄空困逼籬疎古屋妨破塼成曲砌朽木代匡床
帶雨薔薇弱翻風躑躅香夜深竒絕處山月吐清光
其二

亂世無安土歸田得弊廬鶯聲片雨後山色捲簾初
宇宙長爲客功名豈到余晨昏如有隙還讀古人書
奉次關東方伯東園令公四十二韻

倚柱長嘯宇宙空
少日雜迹屠沽中
海岳登臨徧大東
匣裏寶劒雙芙蓉
薄祿安知東俊雄
攀龍九天乘長虹
半夜嚴書下紫宮
全軀實荷生成功
視古諫臣顏發紅
一言豈得陳金櫬
舉朝靡然草偃風
伏閣日趨臣工萬
死投荒隔萬峯
歸來壯歲成衰翁
由是蹉跎歛迹蹤
作事始欲常瞳矐
有時高臥氣鬱塞
舉目一世紛兒童
數間茅屋閉花叢
空谷何人問藿蓬
知心獨有東園公
千金不得酬恩鴻
玉節東來鎮海蒙
邦家令望中天嵩
際會風雲凜繡鋒
俯視魏丙綽官僮
宿昔懷欽山岳隆
寧期此地還相逢
幽谷初驚

暖氣濃女非悅已誰爲容欲留今年豈獨儂始覺人
願天方從取歡無心惜途窮置酒高樓花影重醉後
悲歌碎紫銅尊前起舞珊瑚筇吾看夫子一代宗前
途事業何洪眷敢不委心待範鎔萬事即今唯願聾
扼腕何嫌吐下衷尚有一片肝膽通

過梨村

曉過杏花村遙聞雞犬喧清泉引廣陌綠樹遶芳園
日射朝光滿風來霽色暄停鞭試借問或恐武陵源

次李生韻

田園放逐頭將白故舊相逢眼忽青落盡桃花無客

到小庭春雨閉松局

田家即事

風雨忽又來前山走白霧腰鎌欲何爲麥穗委泥土
今日旣未獲明日恐難取豈耕亦已晚水田草方茂
愁來返茅舍細君進麥酒陶然復一醉頓忘田家苦
一啄固有數飢寒從歲暮

自遣

窮途易爲憾處樂難爲德一飯尚授命由來感育臆
獨有君子心窮達俱能得榮辱不能移外物徒龍蠖
弊縕非我耻萬鍾非吾樂已矣世無人長歌臥丘壑

田家暮歸

日落稻田陰水雞鳴喔喔綠蒲竟長渠隔隴見歸犢
輟耘方始還煙樹迷孤屋草根露已泫細徑緣溪曲
田家誠作苦顧分還爲足豈有一畝地入鄉聊循俗
所願禾黍豐卒歲免枵腹路逢荷鋤人明朝約耘耒
七月旣望與文卿泛舟漢江分韻得秋字

日落泛孤舟北風江上秋忽逢京洛友還作昔年遊
新月浪中上片雲天際流登艫欲有詠客思轉悠悠
次文卿明字韻

漢渚秋風起孤舟遠客情昇沉縱異命照燭元同明

戀闕丹心苦傷時白髮生語來忘夜永斜月半層城

贈客

茅簷對遠客昨日郢城來忽憶重陽近同悲別思催
傾尊片月映命席菊花開落魄誰相念時人忌俊才
過晚宗憶陪冰君飲餞

每經離別處立馬久踟躕東路重關外南天大海隅
音容萬里隔書信一年踈古堠依然在能知行客無
次虬淵全進士韻

相逢意氣片言通浮世交情醉眼中今日文章推賈
子南方俊又得陳公百年知己欣生並千里從朋爲

趣同古曲有神君自聽莫令山水廢絲桐

謝韓明府來訪

風塵餘鬢髮天地此棲遲不謂青雲客猶思紫禁時
柴扉遙住盞樽酒共論詩自憐非國士何以荅良知

次使君寄詩韻

憶昨雍容侍從年斷金心契莫徒然九天宮闕祥雲
上五夜衣冠絳燭邊此日重逢還似夢向來離合豈
無緣孤村歲晏憐空老愁對柴門雪月懸

次謝使君書問

壯夫一片心不爲黃金使壓酒默無言袖有干將子

雪夜呈流巖

雪山寒色映蓬蒿立石東峯片月高四海英雄唯爾輩一時軒冕任兒曹風雲自許囊中策雷雨長鳴匣裏刀此去山陰知近遠玉人何處棹扁舸

花川庄初卜謝呈李上舍

行到水邊石最憐巖上松雲陰來絕壑澗影落遙峯勝賞初非遠名區喜得逢買山君莫笑漁釣此藏蹤

其二

野亭分一半茲貺重千金喜此幽棲地能成遁逸心澗花明隱几松月照彈琴還似何顓宅從今號鹿林

其三

里仁常自幸，况復伴煙霞。
不有賢人語，寧爲隱者家。
蒼苔分釣石，綠水共桃花。
軒冕非吾願，相邀送歲華。

遊仙謠

海水清復淺，東海行揚沙。
親見瑤池側，三發蟠桃花。
上元首作三叉髻，王母身乘龍虎車。
露冷珠樹鶴徘徊，扶桑曙色射金霞。
閑倚絳雲吹玉簫，蓬山落月未全斜。

採蓮曲

妾爲水中荷，君作荷上露。
花開有凋謝，露瀉安能住。

丈夫重新歡佳期誰復顧相思秋水濶獨立寒塘暮
三五七言

桃花紅李花白天空雲海遠日落層峯隔且將樽酒
醉春風莫爲獨醒江潭客

次柳敬伯韻

世故遑遑足別離百年睽合總無期東行莫恨臨瀛
遠今日中原異昔時

初入嶺東

西北行裝只布箱客行何處是吾鄉嶺東雪色瀛洲
小天外波聲渤海狂老去英雄雙白鬢古來榮辱一

黃梁茅齋晝掩無餘事玉署金華夢杳茫

送金生應海歸鄉

謫裏欣相見冬深更遠行一年爲客處今日送君情
海盡邊陰靜天寒朔吹生臨分欲忍淚不覺已沾纓

鏡湖

曲樓吹徹玉笙寒東北蒼然遶碧瀾渤海春陰生大
壑十洲晨影落空壇山河萬里排驚浪日月千齡走
小丸

首句與此聯
夢中所得者

踏遍三清人不見碧桃花下駕青

鸞

自余爲僂人居是邦足不出戶庭聞鏡湖爲嶺

東遊覽第一亦不得寓目己未春三月即度嶺
之翌年而出脩門者三年桃李交映春水漲綠
即馳至湖上則湖山之勝登覽之美將冠天下
而無雙豈獨爲嶺東第一是夜夢至湖上則滿
座皆詩人而所不能素者並推余爲詩豪願得
一詠余即縱筆曰曲樓吹徹玉笙寒東北蒼然
遶碧瀾並抵掌曰淪淪乎大國之風也上聯不
記及至下聯曰山河俯覽排驚浪日月回看走
小丸座上皆絕倒稱嘆余亦有自矜色人莫敢
指點俄然覺乃遽遽周也並記之以表其異暮

春初四日書

臨瀛歌效李白秋浦體

臨瀛花滿發節物已三春
春愁不可度獨出城南閨
長川帶平薄俯瞰滄海濤
滔滔川閱水冉冉世閱人
東風能幾日潦倒醉良辰

其二

臨瀛風夜急白浪堪老人
杳然失宇宙萬里無安鱗
思歸幾日歸欲渡河無津
桃花看欲盡憔悴向三春

其三

愁作臨瀛客爛醉臨瀛酒
山川似刻中風俗勝淮右

其四

海如一杯水此地即浮萍耐可乘明月因風上玉京

其五

綠水垂楊岸桃花錦浪春路逢漁父話家在鏡湖津

大嶺登眺

壁立層崖重復重界分南北碧嵒龍秋生鶴背煙光
冷日射鼇頭怪色眷秦帝童男何日返漢皇靈藥幾
時逢蓬山莫道風波隔此地由來第一峯

春早

獻歲方爲客天涯滿眼花雪消蒲葉短風暖柳絲斜

漁父時相問田翁日見過
聖朝非楚國不敢賦懷
沙

排悶

異鄉佳節屆清和
雨歇園林放杏花
壯志却從愁裏
減
旅懷偏向醉中多
地連西塞千峯雪
天接東溟萬
里波
世事即今何足問
日斜江上和漁歌

逢成益之

就問

新正逢君嶺外歸
幾年雲樹夢相思
今宵剪燭連床
話却似清虛夜雨時

倣李白體仍用其韻

落日二江暖滿城楊花白登高送遠目俯仰悲今昔
自作湘潭人屢見懷沙客登山愧孫登入市懷康伯
世路不可問斗酒恣放適臨流弄素月引蘿坐磐石
夜深倒載歸酩酊花間陌江陵雄大府樓觀何輝赫
滄溟東北拆大嶺西南隔韶顏與壯志此地悲虛擲
行人疑夜光薄俗棄荆璧安得凌倒景飄然上空碧
千秋方一還空留尸鄉舄

詠小剝

小剝滄江上煙蘿洞壑深石寒泉響苦松老月光侵
古塔依層嶠迴溪帶密林坐來聞曉磬方見未來心

擬古

割據羣雄起風雲各有人復邦明大義角力任紛綸
丕烈歸英主孤忠得舊臣倉圖纔草創白帝遽悲辛
曆數中原盡山河霸氣屯一朝通劒閣幾日定三秦
荒谷餘祠屋虛簷下鬼神綠苔生玉座蒼雪壓金鱗
木魅昏號月林鶯曉轉春明禪終古享遺恨至今新
弊殿神鈴語空山夜雨頻恍疑酣血戰彷彿困風塵
毅魄關張在驍姿馬趙親蛟龍雖得雨漢賊本非鄰
落日陳蘋藻悲歌且酒緡獨歸三峽暮涕淚滿衣巾

無絃琴

至樂非由外
希聲合自然
如何四尺上
更托八音先
徵角寧須指
莪洋不在絃
興來誰與聽
此曲少人傳
別僚文以言
事斥守康津

此去誠何恨
人臣分所甘
祗緣憂國政
不敢負臺叅
同病公偏遠
高名我則慙
悅親非一道
行矣莫停驂
望秋山

憂病經旬白
髮生一盃誰
慰旅遊情開
窓斗覺秋山
好雉岳千峯
錦繡明

即事

入夜平湖迥
漁歌處處聞
疎燈點遠岸
殘月隱高雲

老去誰相伴愁來獨憶羣明朝歸去路猶隔漢江濱
江上寒食
江頭白浪少行舟處處垂楊掩畫樓風雨更侵寒食
節煙花偏惹逐臣愁登臨何處爲吾土落魄連年荷
弊裘榮辱半生頭欲白腰間愁殺舊吳鉤

次柳敬伯將返龍門舊廬韻

銅龍出入弼君違一代才名晉陸機蘿月每憐鄉夢
遠簪纓斗覺宦情微龍門古洞雲將隱天谷高秋鶴
並依聖世即今收俊逸肯令玄武挂冠歸

附原韻

玄冠朱紱與心違欲向長生

洞名在龍門山中

問息機金

竈晚煙新籙在玉壇春草舊蹤微尋真自覺雲爲
侶絕類何嫌影共依多少世間名利客幾人攜手
可同歸

風雨

烈風仍暴雨中夜起焚香草偃千巖樹沙崩萬戶牆
雷聲激遠壑電影落空梁始覺天威振魑魅且隱藏

秋思

客思偏多感逢秋意若何蟲聲帶夜雨螢影隔林柯
攬鏡朱顏減傷時素髮多江鄉歸興足夢落白鷗波

逢柳子歸自龍門

子從龍門來龍門秋正好九月西風急木落驪江皓
萬壑來秋陰遙天淨似掃急雨從西來落日枕海島
回蹊翠藤密古殿蒼松老登臨多秀句令人欲驚倒
紛吾困蒺藜遊賞苦不早嘉山日在眼夢中空攀造
世路何喧啾憂心劇似擣逝將振金策層嶠折瑤草
凌風抗逸想漱泉疏煩惱長揖當途人仙遊固吾道

送李都事之任關西

一代推英妙高才拜幕僚青雲知宦達紫氣出關遙
草檄陳琳逸叅謀阮瑤超交情脫寶劒別恨動征鏢

涓水西通海黃山北接遼歸來倘相憶驪水問漁樵
送柳龍門赴遠相幕下

知君才壓八斗雄迎詔龍灣職望崇落筆行看夷
夏服騁詞寧覺篋箱窮萬家絃管麟京北三月煙花
鴨水東身拙自憐憔悴盡虞江歸去老漁篷

雨後

平原草色曉芊芊盡日東風雨雜煙黃鳥巧當幽檻
語白鷗爭上釣磯眠津頭桃杏家家樹浦外歌鍾處
處舡華閣晝深塵事絕捲簾人擬畫中仙

奉別李子時嶺南方伯之行

眇然行役艱驅馳軌路遠昔出霜露結今來楊柳晚
積疴臥窮巷感慨誰爲歎忽念天子行發軫在今晏
揚旌大江外建節滄海涘托此南國重非才孰爲寄
潛龍躍天淵逸驥騰雲路孰謂人爵多天姿美無度
知音敢自道所幸蠅附驥分索古所悲情緒誰能理
臨河阻相送愧我無良訊但願崇令德弘徽逐日振



東溟先生集卷之二

東溟先生集卷之三

一善 金世廉 道源 著

詩

晚眺

京洛羣山鬱壯哉，佛巖秋盡轉崔嵬。
雲容翳日陰還吐，雪態乘風去若迴。
九關祥光霄漢迴，六陵寒色盡圖開。
登臨不盡東歸思，薄暮高樓命酒盃。

和賈舍人早朝大明宮

以下四首月課

九重春色曉蒼蒼，太乙勾陳護紫皇。
花外漏聲雙闕迥，日邊佳氣五雲長。
衣冠半入蓬萊殿，天蹕初傳左

掖廂朝罷獸樽褒直節侍臣前席有封章

子夜春歌

二月楊柳黃滿林花氣香瓊樓調寶瑟繡戶整新粧
別夢春能亂離懷日共長今朝飛蟬子爲拂合歡牀

折楊柳

處處煙絲拂岸垂慙慙一曲笛中吹不緣遊子無攀
折總爲情人少別離

擬左太沖招隱

振策尋隱遁山路鬱嵒荒谷口屏氛雜巖穴無招要
落景耀蘭林白雲停山椒石泉嗽瓊瑤灌木鳴蕭蕭

至樂非外假何事殉塵囂被薜適我願不必羨金貂
情用賞爲美事以神理超歸來安所期與爾同逍遙
效孟浩然

雲暗星月微深夜雪花飛故宅終南下孤臣幾日歸
華髮鏡中換歸鴻雲外稀臨門欲有適鄉思曉依依
山村即事

景落孤村一半明京華咫尺對層城長橋雪滿行人
去古木天寒朔吹劓華岳削成三角峻楊江回謁六
陵平流光冉冉窮陰積歲暮離懷白髮生

對雪

掩日韜霞嚴氣昇紛紛大雪晚崩騰寒生玉樹孤村
靜凍合冰河暝色凝何處梁園初授簡幾人茅店苦
探藤還思少日龕豪甚深夜金鞭醉霸陵

自東村移注谷

出城初意拜松楸偶向山庄七日留地僻孤村無俗
事天寒暖燠當重裘燈前讀史林風吼睡後巡簷曉
雪稠自笑世緣猶不盡明朝還過御泉頭

上塚

巖巖雙表攢松原上崔嵬馬鬣封野平中回兔院
水青天半出佛巖峯君蒿百世還如在薪火千秋不

自窮血泣餘生猶未死斜陽來拜涕沾膏

聞以湖選之故特命叙用拜校理

玉堂三入聖恩勞謝朓何曾有鳳毛青瑣夜歸宮
漏永蓬萊朝罷日輪高風雲幸際千齡會名譽還蒙
一字褒自媿薄才叨翰墨小臣安得與詞曹

逢嶺東人說舊遊

當年好躍五花驄得意春遊歲朔窮夾路煙花生氣
色滿堂絃管倚豪雄神仙遠接虛無裏溟渤平臨指
顧中聞道海濱經過處至今猶說醉仙風

還家

破屋蕭條四壁空
天寒冰雪滿庭中
家貧不賴詞華富
身拙誰知志氣雄
半月還家稚子喜
一官通籍主恩隆
鄰人莫笑生涯淡
君子由來事固窮

領相完平李公 賜几杖兼設耆老會西壩
相公首作十韻律一座皆和圖寫爲卷軸誠一
代盛事一日詣領相宅領相出示諸作曰當日
座客除中使外皆有作老夫亦不得以不文辭
如公輩雖非席上客如此盛事不可無公語鄭
德餘李汝固張持國趙怡叔諸公處將次第求
之矣力辭再三不能得強次以呈

元老還朝日 明王改紀年
應時才不世 聖契
無前 寵錫從中禁
光華溢法筵 禮官陳几杖
坐客
會神仙 賜酒金罍滿
頒綸玉札 宣丹青
肖厥像 藻翰被諸絃
盡瘁休思退 端揆且莫遷
憂深樂宜後 德邵覺應先
萬姓方翹首 三陟永息肩
所希常健泰 夙夜任扶顛

暮景

東方月出白煙生
長路行人去不停
陵寢天寒松栢淨
村墟歲晏虎豺爭
干戈搶攘何時定
盜賊縱橫幾日平
猥被綸音入城闕
報酬無路愧恩榮

詠樵叟

辛勤百里販樵勞，白髮村翁霜雪毛。
谷口腰鎌風正急，山中看奕日方高。
行歌豈解談王道，倒載猶能倚醉豪。
一束天寒還似桂，幾家京洛免兒號。

欲往江陵

行止何曾定，浮生水上萍。
未能朝北闕，還欲向東溟。
幽薊妖氛滿，山河戰血腥。
福庭知不遠，歸去托仙靈。

喚仙亭即事

江陵

玉樓金榜鏡湖隈，露冕春遊五馬來。
簷前雪色頭陀出，檻外濤聲渤海回。
蘭舟下瞰魚龍窟，綺席高張鴈

驚臺共惜歡娛歌吹晚停杯更待月華開

江陵送崔繼宗赴關西

萬里橫行不顧身金鞍白馬照青春方今警急唯驕
虜自古安危本在人城頭鼓角旌旗動陣上貔貅組
練陳投筆早期龍額貴佇看勲業畫麒麟

其二

七尺龍文廻照蓮關西走馬拂金鞭拜辭鶴髮高堂
裏叱咤燕雲絕塞邊沮府夕陽明組練鴨江腥雨濕
戈鋌元戎若問漁翁事鏡浦春流理釣船

其三

西塞城池帶鴨江金湯千載壯箕邦天晴鼓角翻營
急日暮金鉦罷陣縱驍騰似爾才誰敵鞭撻強胡或
可降壯士立身須快意讀書何用筆如杠

三月三日

落盡楊花怨杜鵑鏡湖樓閣海雲邊天涯令節唯今
日客裏風光異去年世事茫茫難自料離愁黯黯只
成眠他時欲過西門路千樹桃花霽後天

聞延原府院君計

磊落深知夙德昇宗臣一代肅風稜天官望洽銓衡
正一作重石室盟存帶礪徵瑞色爭瞻千仞鳳霜姿獨

立九秋鷹龍蛇忽報仁人厄慟哭楷模失李膺

其二

嶺外忽傳京洛訃梁摧其柩哲人何欲承言笑何由
得重閱書辭尚不磨千古山河收異氣一時閭巷絕
謠歌失聲休怪經旬慟十載龍門飲德多

買馬

蘭筋偶得出羣豪不惜簞金買駿毛白羽風塵唯爾
力青春意氣本吾曹傾城莫換如花美伏櫪寧辭汗
血勞鹿韞玉鞭朱勒草紫宸朝退禁街高

小寒食書懷

佳辰作客意淒淒盡日沉吟獨倚藜節序不知何事
去煙花似欲使人迷湖邊細雨天鷄舞柳外微風水
鳥啼鄉國不堪歸思切故山遙在穆陵西

自江陵赴召

嶺東前後三作客往來人事一傷情軒裳又向青雲
去孤負江湖白鳥盟

金叅奉示蒼石詩因次其韻

當年聯步入金扉玉陛爐煙近御衣今日一書如
對面故人新自嶺南歸

湖亭即事

隱居欲就蓬瀛勝卜築初依鏡浦濱獨把漁竿緣渚
遠閑隨白鳥棹舟頻煙波十里宜斜日花柳千家已
暮春謝盡俗紛逃紱冕莫教名姓出風塵

春盡

今年春色倍堪憐紅杏垂楊鏡水邊消息乍驚微雨
晚容光旋失曉風顛尋芳極目無留迹送爾停盃惜
別筵佳節重逢更何日東風相待艷陽天

即景

柳壓橋頭紅杏花夕陽閑步過東家長堤曲抱蘋洲
轉細徑遙分麥隴斜海國春陰生大壑江亭雨色濕

平沙鄰翁酒熟能殢命且向樽前醉物華

和杜工部秋興

風威栗烈振叢林一夜寒聲萬木森天外波濤滄海
立嶺東煙雨蔚陵陰他鄉閉戶傷秋色亂世移家見
客心虛檻夢迴谿谷靜江城幾處發清砧

其二

鴟鵂三江徼外斜地分東北限中華可憐軟血和戎
日無復朝天漢客槎絕塞愁風悲鼓角孤城落日咽
胡笳聞說秋來最蕭瑟戰場踈雨冷黃花

其三

百尺危欄俯落暉
野煙生樹遠霏微
寒潭夜迥螭龍舞
滄海天空鴈鶩飛
人事日隨時態變
暮年偏覺壯心違
時危莫道和親好
邊塞秋高虜馬肥

其四

萬事悠悠看奕棋
世間榮辱使人悲
禹門鱗甲還三級
麟閣丹青亦一時

一作漁舟送老非無地
麟閣圖形自有時

危嶂插天

飛雪早孤城際海下
霜遲白頭爲客親
朋隔京洛平居費夢思

其五

雨後秋光媚海山
千家水郭夕陽間
浮天大壑三千

界拔地重岡百二關鼓角厰聞騰戰馬金丹還覺變
衰顏野人爭席塵機息誰識當年供奉班

其六

畫閣張燈古渡頭海門踈雨嶺東秋幾多歲月書生
老不盡湖山醉客愁萬里歸心看塞鴈十年遺約負
沙鷗流離莫歎幽栖僻歲國當今第一州

其七

喚仙亭子昔人功翠竹蒼藤松檜中西山不盡千秋
雪東海長吹萬里風雨壓九垓雲影黑日昇暘谷曙
光紅一年爲客堪乘興身世真成鶴上翁

其八

汀洲繚繞水逶迤
荻葉菰茨蓋綠陂
十里月懸仙桂影
九秋霜老菊花枝
飛閣捲簾滄海出
雪山當檻夕陽移
扁舟極目風波濶
獨立人間鬢白垂

憶妹氏

少妹尚留湖海曲
東西安得寄書頻
比來凶歲難糊口
老去他鄉各損神
看雲顧影還千里
同氣分形本一身
聞道萬人皆菜色
若爲饘粥過今春

題畫鶴

一幅輕綃萬竹青
瀟湘雨色畫冥冥
似嫌滴露回煙

頂爲向微風刷雪翎忽憶前秋在江舍臥聽孤鶴唳
寒汀黃樓却笑千年事控爾何時上福庭

寓言

風雨淒淒日暮時閉門心事欲論誰已知世故劇翻
覆更覺人情方險巇軒冕倘來身外物湖山歸去分
中奇青雲莫道郎官貴四十如今白髮垂

悼堂叔一善尉

風流一代照青春自是吾家席上珍賊子凶謀初豈
念先朝駙馬足論親流傳道路言難信恍惚形容
夢不真獨立人間頭白盡數行哀淚滿衣巾

雨中野人送杏

風雨林園靜開軒面曲湖鄰人送野杏稚子弄鷓鴣
慮澹神愈王心清體益臞幽居水雲外逃世得蓬壺

藏書

買粟橫溪遠藏書月寺深豈爲栖遁計方待急難尋
峽老多真態山僧有古心請君同伴侶共入白雲岑

觀日出

高峯獨上露華涼下界微茫夜氣荒百丈紅光騰渤
澥一輪初旭上扶桑金鷄唱罷乾坤曙玉兔精微星
斗藏欲賦壯觀摸未得但將晞髮向朝陽

夜吟

海內風塵歲欲單，天邊爲客路歧難。
長風碧海驚心擊，積雪蒼松滿目寒。
鄉夢每愁千里遠，生涯不得一枝安。
臨瀛物色春仍好，湖上梅花把酒看。

鏡浦卽事

江中風浪白鷗飛，日日湖亭坐翠微。
紅杏乍添新雨拆，釣船長帶夕陽歸。
他鄉送客傷春盡，末路休官悟昨非。
不必鏡湖分一曲，綠楊隨處掩柴扉。

仙詞

蓬山碧海變成塵，誰見蟠桃一萬春。
金闕不教通俗

子玉簫何處問真人長生寶訣期親受却老仙丹獨
自珍直待夜深精氣入滿天星斗駕飈輪

題鴈

霜落空江月吐雲荻花風動雪紛紛來時宿近瀟湘
岸帝子瑤絃夢裏聞

春遊

樓上紅粧艷落花俯看騎從簇平沙江村霽色明垂
柳水郭春陰掩暮霞多病懶朝還濩落故林歸臥轉
蹉跎莫道近臣難浪跡玉壺清酒醉年華

歸鴈

鏡浦春生旅鴈歸幾時還向塞門飛遙憐曲渚煙花
晚不覺前汀儔侶稀雨裏一行鳴不息月明何處影
相依秋來更整沖天翮莫逐稻粱早自違

偶題

常苦浮生苦樂并從來大塊後吾生遺榮恨不昇仙
去逃俗還能見佛成心事只憑鸚鵡勺身名唯共鷺
鷗盟一年憂惱堪頭白始信人間外物輕

季父西還

岳麓花川有弊廬十年回首舊遊虛原頭喬木還依
故臺下方塘不改初野老若存能會飲鄰人無恙可

同居溟州永結煙霞約懷土時時憶荷鉏

江陵詞

大關滄海勢爭雄磅礴中州淑氣窮東拆波瀾涵巨
軸北來峯嶂插高穹十洲笙管來雲表萬戶煙花落
鏡中千載鑑湖稱勝地滿船紅粉醉春風

鏡湖

回首蓬萊萬國東茫茫雲海幾人通漢家方士無消
息秦帝童男有異同採藥曾從韓衆鹿尋真或騎葛
陂龍銀臺金闕神仙窟只許排空駕烈風

鏡湖即事

湖上春風楊柳斜雨中紅杏水仙家故鄉何處悲遊
子寒食今年已落花且盡芳樽酬令節自憐愁緒劇
紛麻高臺獨上波濤濶落日漁歌泛釣槎

即事

鏡湖臺下起風波馬上微斜白鷺簑村女浣紗依翠
柳牧童驅犢下青坡他鄉物色唯愁了亂世干戈奈
爾何豪氣未除年欲老醉傍蘆葉和漁歌

喚仙亭次愚伏韻

四仙遊迹久荒蕪咫尺蓬山不可呼虛閣酒醒人悄
悄五更風雨入平湖

雨中

湖天忽風雨颯颯動秋聲始覺流年變能令遠客驚
芙蓉露下落蟋蟀草中鳴行止何曾定漁歌送此生

題梅香亭

士有能傾蓋論交逆旅間竹西相送罷松浦夜深還
入谷踈篁台開樽細菊斑客程明日遠何處更追攀

其二

先子分符地人傳沒世思我來今已久何處問當時
地僻江山淨天寒萬木衰登臨無限恨泣向峴山碑
夜讀靖節詩因步其韻

季冬霜雪積繞舍高木踈遠客喜有托何必問吾廬
睡起日常晏閉戶讀我書窮谷罕人事不見長者車
鄰人勸我酒肴以盤中蔬春氣昨夜至新陽今已俱
雄心驚逝節夙昔懷良圖窮達亦有命世路今何如

雜詩

北風吹海水積雪暗茅屋層冰日夜結鏡水寒如玉
季冬忽已盡節序一何速鳴琴不能寐中夜理清曲
壯志鬱莫展音響苦局促歲暮常慨慷何爲老空谷
夜遊

江陵盛遨遊自古稱絕境揚鑣碧海岸極目平湖永

月華雪中淨風聲松上勁賓從列四座高臺笳鼓競
縱道西歸好安得此清景

月下

明月出雲間皎皎流澄輝愁人獨不寐中夜捲羅幃
樹木何蕭瑟北風厲寒威素梅當戶拆殘雪入簷飛
江湖久爲客京洛事多違山中有舊侶拂袖可同歸
擬古

伊昔客臨瀛鄉人笑落魄置酒飲寒松淹留憩水郭
此樂謂可終世故信難度空負隱遁心風塵久京洛
慶幸欲重疊聖恩及微薄已免旅食苦仍遊青瑣閣

時彥非吾匹金門寧久託一朝忽投冠江湖有宿約

其二

急雪霽平湖驚濤捲北海玉樹生寒聲冰河眩素彩
沉吟爲誰思美人今不在自恨客行久屢見光陰改
道大一作數奇世莫容年衰時不待

其三

今日斗酒會勝事難可忘梅花雪中發清香滿我堂
屏間桂樹碧綠葉間疎篁不知歲已暮謂見春華芳
合坐同所歡耽賞各盡觴人生有聚散倏若浮雲翔
何不日來遊共此清宴良一作東西別相思各異鄉

立春作

今日春氣至曉起觀氛祲微風從東來萬象皆春心
草木各萌芽禽鳥已好音天運若循環四序迭相尋
莫道常苦寒新陽革故陰

儗古

置酒高堂上親賓四面會魚鼈炙鵝鴨銀盤行素鱠
長笛吐慷慨名謳列幼艾合坐同所樂酒半皆緩帶
賓言別日近主稱斯遊最久要義所敦夙昔相傾蓋
各勉白首歡世態一何癡杜門菰蒲中向來備顛沛
追從尚云幸酣宴無已泰隆眷極感戴孤蹤日狼

猥世故且莫論榮名即身外

即事

朔風動寒林積雪蔽丘園窮陰耿未已落日愁雲繁
空谷絕來入鳥雀滿柴門耽閑不耐劇習靜能避喧
索居歲將暮離愁難具論

其二

冉冉日云暮漫漫冬夜長披軒爲誰思美人天一方
微月沒已久列宿自成行卽事怨他離感物方悽傷
蕙草不堪摘梅花空自香路遠莫相覲三載違耿光
佳期難屢得何事久徊徨

望海

登高臨巨壑杳杳憂思集長風自北來萬里波濤立
軒然鼓坤軸中原小一粒明月上遙虛銀光鑑城邑
客有吹玉簫雲中向我揖長生爾可學人間日月急
言終忽不見飈輪邈難及寂寂天地寒玉露衣巾濕
明日入名山尋仙學吐吸

庚午元旦試筆

北斗指孟陬青陽受玄律微風扇淑氣丹霞冠初日
萬物欲奮發樽中酒湛溢時候一夜變方知沍寒畢
白雪不重潔層冰豈再結窮冬幸不死拭目見佳節

獨立歌陽春舉世和者絕

聞特命除南宮

皎如松上雪飄若雲間鵠何慙一生意嫌謗忽相酷
世情忌殊才人心多怨毒毫髮一爲罪貫盈不可贖
白壁點蒼蠅寶劍埋古獄入門各爲仇誰道顏如玉
客自西方來所言盡忠告遜世非子悶行言豈子辱
除命出天意毋爲守空谷向客再拜跪弘恩一
何篤死當效結草生當盡啓沃

聞虜騎犯山海關

羯胡擁薊垣遼陽日流血一城不可復況得擣窟穴

萬里困蜚輓十年矢勦滅羽檄從西來昨者犯關闌
拊劒忽忘死烈士膽欲裂天心必助順此言恐虛說
何人獨赴難爲國效奇節我東孰再造君思壬辰烈
除官後書懷效謝康樂

遁世謝人徒杜門臥海峯心亢豈可改道大誰能容
忽忽歲月逝淒淒霜露濃美人期不至良會何由逢
積毀欲流金讒舌毒利鋒薄俗莫戶說賤臣徒叩育
天威忽震疊榻前折羣詢國言一昭釋朝端再肅雍
頒書異數至擢授洪恩重南宮典邦禮黃卷拆
紗封福過憂有深感極報無從恐被造物猜何以保

孤蹤跋躬敢爲榮慄慄少歡悰

江陵記事

三山出東海五岳奠中國茲嶺復巉巖屹然鎮南北
內攢千峯碧外盪重溟黑突兀起重陰崢嶸聳秀色
巖峭路斷絕岫複天歆吳登臨出雲表浩盪失宵臆
胡馬昔東攘士女竄荆棘凶鋒悶難遏福地喜易得
千嶂孰敢越一夫亦能塞天旋日月開地僻煙塵熄
平生樂斯鄉謫戍舊塌翼山川若有情父老皆故識
再到月精宿兩去橫溪食霧雨四時沐風霜朝夜逼
客遊良已幸歸鞅庶能息

觀獵

駿馬好馳獵東國多少年參差帶白羽左手揮金鞭
草死禽獸伏積雪滿山川一發殪猛虎再控雉兔連
叫哮有餘興狡捷無虛弦虜騎數翻覆聖主方急
賢留我一長劒將以定三邊

偶成

故園茅屋掩荆扉久客西遊十載歸綠水縈紆林外
轉青山隱約雨中稀行逢野老時爭席靜對高僧共
息機唯有聖恩同造化敢將蘿薜易朝衣

念嶺東驛路

大和珍富嶺西通峽路羊腸九驛同館吏候賓來樹
杪行人叱馭入雲中地迴五更先見日天寒八月已
高風可憐十載空來往安得高車復向東

鄰馬產駒

愛爾名駒墮地初即看毛骨協前圖追風自許千金
直汗血方論萬里驅伯樂不存悲峻坂消人難遇困
凡奴愁來爲讀周王傳酒酣誰憐打玉壺

時事

海外忽傳燕薊急初聞怒髮上衝冠不知天意將何
在終見胡兒自取殘萬里勤王須敵愾三軍擇帥孰

登壇請看今日東韓國盡是神宗再造完

其二

先王事大極誠忠直爲龍蛇再造功但謂百年酬
帝力寧知一夕被胡鋒嬰城不覺天威挫敵愾寧
論敝賦空東國甲兵天下勁薊門安得復堯封

其三

漢家宮闕對燕然句注居庸壯九邊自古聖神親禦
狄到今驕虜或滔天忍看鐵馬皇城逼已合旌旗
萬國聯聞道至尊同太祖追奔應不隻輪還

其四

薊門擐甲待胡烽天府由來百二重赤縣一朝騰鐵
馬曰登三月起神龍中原將帥誰長策北極朝廷盡
武容稍喜海關孫閣老尚能談笑掃妖鋒

還到安昌

乘輅昨日經過地匹馬今朝又獨歸風雨弊蓑沾濕
盡驛亭竈火燎征衣

李麟蹄宅小酌因次其韻時余將有西行

共道元龍客禮難敢將交契托金蘭柴門地僻無車
馬杯酒家貧祇藜盤乘興不知良夜永忘形偏覺故
情闌座中寄語西歸客京洛難逢此日歡

其二

夫子門墻入者難仙標一接氣如蘭鄉間禮絕常操
杖盃酒情深不設盤燭影暫低宵已半荷花欲盡暑
將闌預愁匹馬明朝去京洛空懷此夜歡

雨中

荳蔕花深田徑微疾風回雨濕荷衣平明獨自騎牛
去薄暮初從罷釣歸身外名聲都是夢人間榮祿半
危樸白頭巖下休心久時復鸞書下竹扉

時事

天心人事不難知慟哭艱危主辱時鞞虜要盟難可

保廟堂無策但羈縻蒼茫北塞煙塵暗勝敗中原消息遲賈誼平生最感慨少年高議有誰奇

始到乾川洞故宅

蓬蒿寂寂掩柴門破屋三間傍塋垣忽見涼風動草樹還思昔日臥山村自憐蹤跡違不明世安得涓埃答聖恩稍待秋來邊警息遠迎妻子此留存

其二

年老西還宦意闌弊廬猶在禁城端門前綠草無人迹雨後青苔上井欄北闕曉看佳氣盛南山夕對霽光寒不辭京洛仍留滯衰白何心作好官

陽陵君宅門會席上

積德吾門濟大名道山今日集宗英敢成宅相承先
烈愧乏家聲屬後生老去形容驚久別興來詩酒爲
多情人間此會知誰及觸目琳琅一座傾

其二

元勲賜第聳飛薨複檻脩簷暑氣清北望河山壯京
國南來風雨滿都城一時歡會盡尊戚何處羈孤來
此甥酒闌忽憶十年事長興洞裏起簫笙

附次韻

祖先昆裔繼聲名烜赫寧慚世上英紱冕朱輪當

路盛芝蘭玉樹滿庭生邇來喪亂悲前事此日追
尋續舊情祇幸吾儕猶不墜會須敦勉共扶傾

其二

出入連鑣居接薨追隨歡會樂時清兵戈幾歲離
鄉土簪組今朝集禁城愧我承家非令子多君似
舅是賢甥初筵摘藻摹佳賞數疊瓊章勝玉笙

歸思

天語親承晉接頻一旬留滯聖恩新屢經官渡舟
人笑慣宿郵亭驛吏親當路寧無按劍者出門元是
挂冠人清溪白石山村靜歸掩柴門絕世塵

傲康節首尾吟

月課

先生非是愛吟詩詩是先生自得時寵辱不驚唯義
命厄窮無悶是男兒醉來浮世空蒿目身外虛名久
蹙眉祇有一心思報國先生非是愛吟詩

其二

先生非是愛吟詩詩是先生獨坐時動處自能看性
善靜中無限識天機伊周事業皆由學游夏文章在
得師堯舜厥君誠所願先生非是愛吟詩

玉堂燈下與李子方口占

聯句

斲出荆山璞雕成玉署燈子方高懸圓似月瑩澈白疑

水

源道

對影心肝照涵虛表裏澄方子青綾無夢寐清思

此宵增

源道

是夜移席前楹

直宿彤樓夜梧桐白露寒

源道

簷楹坐超忽星斗廻闌

干

方子

嶠嶠何年別金門此會難源道三更月東出休惜

燭花殘

方子

崇禎庚午九月以暗行

御史同子方渡漢江

御史霜威重天門受

命同直躬寧畏害觸事欲輸

忠道路爭看虎魚龍亦避驄波濤漢水濶擊棹渡秋

風

金嶺驛橋分路余向湖南子方往嶺南

橋頭立馬惜離羣千里行裝此路分
百濟風謠何所似新羅民俗昔曾聞
東臨日域天連海南渡鷄龍馬似雲
此別應須各努力九重歸奏聖明君

過泰仁

縣門初日會官衙行客垂鞭信馬過
八月殘荷凝白露千家密樹隱紅霞
西來紫氣誰能識南望青山獨去賒
咫尺欲尋賢太守霜威其奈逼人何

茂長

城外回鞭西日殘偶逢田老住征鞍
莫言使者風威

薄自是文翁教化寬萬木秋聲書院靜千峯霽色海
天寒行裝草草誰能識時有兒童拍手看

古長城

煙樹蒼茫落照中古長城外住青驄兩南風氣重峯
隔直北關防此路通歲暮客行殊未已天涯鄉思自
難窮極知奔走爲勞苦其奈 洪恩海嶽同

光山

光山太守不須驚我是湖西舊虎行到處彈章無太
薄一封書信亦深情層城鼓角秋光冷落日山河霽
色生匹馬翩翩官路迥景陽南去向綾城

興陽有感

君死四年吾始過含悽不見淚如波山川漠漠魂何
托天地茫茫恨益多高門赤族關時運孀婦青春奈
爾何寂寞海天西日暮數聲長笛起鄰家

樂安

九日南中未有霜驛程初見菊花黃登高望遠江山
異作客經時道路長地勢欲窮南極迴天風初厲朔
鴻翔村家處處茱萸飲樽酒何人喚客嘗

鎮安

不獨州官畏綉衣居民何事怯霜威黃花古驛時休

馬紅樹人家獨歎扉但使彈章驚汚吏敢論行役困
征駢使君他日如相見應道同袍舊意非

宿臨陂

古槐疎柳縣門陰寥落荒城繞碧岑南去敢言王事
苦北歸先覺主恩深高秋鼓角聲悲壯落日山河
氣肅森官閣夜闌仍獨坐滿庭蘿月影沉沉

咸悅呈表叔

即許監
察案

他鄉豈料此留敖握手還悲戀別勞今日一家餘叔
姪昔年遺迹已蓬蒿天寒水國魚龍伏秋盡山城鼓
角高努力塵埃各自保莫令沉醉喜持螯

公州戲吟

獨宿高樓秋夜寒滿池荷葉雨聲闌還憐御史霜威重驚殺佳人不快看

書懷

離家雙鬢日蕭蕭京洛歸程夢裏遙涼露滿庭天似水一簾蟲語坐清宵

宮辭

雲物葱蘢瑞色長九天宮闕壓青蒼千官玉佩隨清蹕五夜星河半建章日照龍鱗開法仗扇回孔雀動爐香最是鳳凰池上客獨裁丹詔近君王

畫鷹

粉壁見生鷹還驚畫作能金眸爍電彩劒翎振霜稜
突兀神仍王豪雄勢欲騰何當掣韉上一搏九霄鵬

平島記事

平明鼓角大開門吹入并州第一翻傳道早堂仍免
坐一時諸將解纓韉

昔年

昔年遷逐此栖盤謫子青春尚少顏醉去雄心空倚
劒愁來歸思獨登山微生幸際風雲會舊迹重尋草
樹間白骨滿原秋雨暗不知何處問高閑

塞下曲

日落平沙亂雪饕相逢獵客醉葡萄黃河直北烽煙
絕虛老幽并一代豪

特除玄風知縣感泣之餘仍得一律

時公爲執義以言事

貶監
玄風

匹馬南征客路遙亂山風雪晚蕭蕭千莖白髮愁仍
短一片丹衷老未銷嶺外已看京國遠夢中還入紫
宸朝共道風霆無竟日不知宣室幾時招

出城宿蓼谷

雪滿平郊落日低錦城歸路望中迷行藏有道何曾

詩

定成毀無端不易齊九年血泣鵠原北萬里生還鵝
水西今日栖遑君莫歎謫官猶得近丹梯

留別沈都事

村樹啼鴉起夕煙一杯相屬意悽然
知此別無多日其奈衰容各暮年
南國春陰來客路西山雪色映
離筵重吟別句還嗚咽二十年前舊絕絃

到縣

敢謂淮陽薄還同枳棘林風霜臣罪重天地
主恩深白髮驚春事青衫見客心
滿庭花月夜樽酒共誰

斟

其二

少日功名太自期只今流落已堪悲
遠投嶺外炎荒地正值天威震疊時
歲月忽忽人老易風霜漠漠鴈歸遲
獨無太傅長沙歎但喜梅花入酒卮

次從弟韻

萬點飛花愁殺人閉門多病已經旬
匡君汲黯寧爲戇折檻朱雲不顧身
玄圃古稱靈境勝風流今見使君真
元龍未下當時傲杯酒逢君興轉新

記事

簾外朝陽霽色寒坐看花影上朱欄
山僧報道春將

晚第五橋頭躑躅殘

擬古

秋風動井梧落月半回欄美人隔遠道錦幕生微寒
良時不我留歲月忽已闌相逢惜曉促既別怨晨難
永夜守空床展轉獨悲嘆

縣齋作

借問去國由不獨論事峻臣罪一何重天威日益
震雪急人屢顛冰層馬不進下車詢吏民陞堂列符
印忽忽歲易道霜風驅鴈陣懸闕勞寸心懷歸變
雙鬢宿昔倦爲客平生備險吝敢爲汲黯薄還同賈

誼擯窮達自有命唯思仗忠信

客舍次使相吳肅羽韻

一出脩門 聖渥新謫臣黃綬更何人爲官莫道苞
山冷領得梅花百樹春

贈肅羽

別恨蒼茫遶客程縣齋風雨坐深更文章一代元孤
憤意氣中原孰主盟白髮不堪當世用丹心空切戀
君誠西還定被金鑾對莫道長沙老賈生

次贈惠琦上人

一夜清霜楓葉知曉天秋色劒峯奇真源咫尺無因

到空負名僧九日期

閱西戍卒有感

劒山龍骨鼓鼙通莫道清西列邑空
安得昔年驄馬使橫行早建薩川功
殊方作客身專老半世憂邦氣挫雄
韎鞞再盟應竊發急將兵馬屬元戎

其二

當筵擊筑勸葡萄萬里行裝一佩刀
烈士去家何所惜虜兵飽肉會須鑒
城臨薩水遼天近路出黃岡雪吹高
努力風沙好自愛祇今麟閣待功勞

其三

落日驪駒慘別愁，酒傾賓從擁途周。
一年獨向黃龍戍，萬里空悲白鹿秋。
征戰古來誰得返，甲兵無計可全休。
思歸夜夜腸應絕，莫上城頭百尺樓。

縣齋懷友

縣庭雖少事，爭訟自多時。
暇日看梅萼，開軒對柳枝。
厭煩封印早，耽病坐堂遲。
感念芳華晚，無因見所思。

寄知禮縣監趙日章

綱

積雨公門鼓角遲，幅巾藜杖步西池。
離披草樹波光動，隱約溪山霧腳垂。
凶歲歡顏初及麥，田家美食即烹葵。
居官自覺勞心久，何事山妻笑老癡。

其二

莫謂茲宮薄專城亦寵靈
水吞雙浦白山插九峯青
逐客元同調孤臣本獨醒
相逢難衮衮

一作一搔首

風雨

撼虛亭

題元道州賊退示官吏詩後

月課

世亂急軍須誅求亦已亟
供給豈不重迫之亂必至
苟免逋緩責焉念斯民瘁
大鄉無十室餓莩盡老穉
奈何諸使者不曾思愛字
忽覽賊退篇結也實良吏
文思壯縱橫憂時見深意
得罪亦云甘追呼固已媿
致俗唐虞際思回純朴理
始識正人心不爲禍福二

安得十數公分憂使得試萬物當吐氣可見生民遂
祇爲知者聽題詩不必寄

偶吟

臥閣愁春盡携壺傍石溪忽聞黃鳥至初向綠楊啼
疊嶂圍官舍澄江繞縣堤良辰不可再落日上升梯

星山途中

新安都會幾回開洛浦今朝五馬迴雨壓九垓昏似
墨水吞平野勢如雷重淵雜怒蛟龍鬬別渚交飛鴈
驚來稍喜微風捲陰翳蘭舟薄暮下中臺

其二

倦客停鞭五馬煩數村桑柘近黃昏青山盡捲浮雲
出碧澗初從積雨喧百歲行藏應已定一官榮辱不
須論長安欲見何由得且倚征鞍夢帝閣

祈雨紀事

野棠花盡麥風寒五月田家惜雨乾祭罷碧壇天似
水坐看紅日上團團

向梅院惠球惠琦獨板橋見待

溪邊立馬問前程雨後深山亂瀑聲誰向空門報消
息老禪來待有餘情

道東書院示居接儒生

學海爭雄氣格豪青衿縹軸映緗毫使君地主安能
長諸子天才莫厭勞金山雨歇蟬聲急洛水秋生月
色高一日圖南應不遠會看鵬翼擊波濤

癸酉元日

五更鐘鼓進桃符風俗殊方事事殊雪後伽倻寒似
玉春來洛水潤於酥功名半世官仍薄博塞逢塲氣
尚龕伸屈有時難預度會看勲業在真儒

送將官往戍西塞

劒山西北是遼陽千尺峯頭挂女牆士卒見君應問
我爲言遷謫在南方

飛灰應律

陰陽衮衮日相催
臘盡春生煖欲回
律奏黃鍾纔協
簫葢飛六管忽吹灰
潛隨氣候何曾爽
推致天時去
復來一出脩門驚歲換
幾回丹鳳賀班開

次韻贈御史

故人何處閱戎兵
鼓角臨邊海嶠清
行到天南試回首
朔風吹斷旅遊情

其二

去年離別洛江秋
一曲驪駒古渡頭
南北近來消息絕
不堪重上道東樓

偶吟

深秋木脫葉飛乾
霜重空林密翠殘
曉拂玉樓增急響
夜添山雨送輕寒
蕭騷坐覺芳華改
颯沓其如節序闌
豐悴自應關一氣
莫將搖落撩愁端

其二

搖落深悲歲月流
天機袞袞又新秋
何來樹杪涼風起
不盡蟬聲落日稠
苦調清商元共咽
寒音爽氣各添愁
登樓莫道催煩緒
自是離人易白頭

送客

客堂送客客將歸
客意驚秋秋葉飛
堂臨綠水明斜

日客向黃岡近帝圻嶺嶠風煙增別恨使君杯酒惜
離違爲報洛中相識道青衫猶未換荷衣

贈人

壯心相對各驚春酒後高歌興有神行徧南州試回
首客中青眼更何人

次李石潭

潤雨韻

世事灰心久端居養性靈客來能舉白樓迥或臨青
賀伯迷題判河玄不欲醒天寒赤葉亂相憶鏡湖亭

其二

自笑龍鍾極無心更乞靈逢人眼盡白作吏綬仍青

世事難高臥時情忌獨醒離騷不忍讀一曲鄭瓜亭

憶伽郎舊遊

曾結伽郎汗漫遊海山臨眺屬清秋洞天鐵鎖三辰
近香火金鱸百劫留屋角古琴風自語臺前白石水
空流何人爲喚孤雲起笙鶴三更上紫丘

縣齋偶吟

入簾山色近繞郭大江橫一縣石榴拆孤村霜葉明
清時却失路晚節欲逃名黃菊東籬下臨風餐落英

野行

西風捲皂蓋落日出西疇不復詢民瘼還慙事浪遊

村深柿棗熟溪冷石亭幽處處秋收急停車爲少留

次玄悟詩卷韻

悟能推命其卷中有五峯東岳北渚鶴谷畸翁谿谷澤堂詩

偃蹇誰相數人情好是非如何釋子軸復著老夫詩
宦迹清時薄雄心白首違窮通吾自識不必問長眉
落花

芳園處處摠花茵無奈韶華片刻春一夜驚風吹欲
盡半簾微雨落來頻辭條自覺繁陰改惹草猶憐艷
態新物理細推難足恃莫教杯酒更傷神

禁苑聞新鶯

紫禁葱蘢霽色新流鶯處處轉清晨初吟惠日聲猶

澁早得東風曲未勻萬朵宮花時刷翰千條御柳好
藏身掖門朝退還多思疑是簫韶雜鳳筠

黥兵

年年征戍鐵山勞西北調兵久繹騷許國精忠鳴越
甲出門心膽看吳刀功名自古生戎馬緩急于今仗
爾曹行到愛州城上望薊門氛祲未全鏖

次韻贈趙日章

歲晏愁難盡當杯奈菊何形骸還土木事業負絃歌
葉脫秋聲急沙寒鴈影多臨江欲有適落日起風波

其二

逐客蒼黃出鳳城一麾還得共君行重逢白髮存膠漆自致青雲荷聖明天入海門秋黯淡地窮蓬島浪崢嶸金鑾密勿承前對莫報南冠久越聲

古詞

猛虎在深山百獸皆脅息方其隱霧時七日不下食豈不常苦飢所貴毛質澤一嘯有餘威烈風生萬壑

聽蟬

落日羣蟬噪高樓爽氣生流光忽秋序此物已寒聲氣逼西風苦思含白露清誰憐庾令聽蕭瑟更多情

午睡

槐龍轉影綠相叅
倒著烏紗午睡酣
華省晚來無一事
白鷗春水夢江南

東溟先生集卷之三

卷之三

東溟先生集卷之三



